



Broj:02-49-18525/18

Velika Kladuša, 06.07.2018. godine

Povodom izjave premijera Unsko-sanskog kantona, Huseina Rošića u emisiji Dnevnik, Federalne televizije, emitirane 05. jula 2018. godine, Kabinet Općinskog načelnika daje slijedeći

DEMANTIJ

U emisiji Dnevnik, Federalne televizije, od 05. jula 2018. godine, gostovao je premijer Unsko-sanskog kantona, Husein Rošić, prilikom čega je izjavio: „ Postoje opstrukcije da se postave šatori u Polju i poteškoće u priključenju vodovodne mreže i električne energije.“ Na pitanje novinarko tko vrši opstrukcije, odgovorio je: „ Općina Velika Kladuša i njihov načelnik naredio je Štabu civilne zaštite da se ne smije, da tako kažem, dati niti jedna lopata za rješavanje ovog problema.“

Izjava premijera Rošića je neistinita, te je u cijelosti demantiramo. Štab civilne zaštite nije postupao po naredbi Načelnika Općine, niti je održana sjednica Štaba čija je tema bila otvaranje migrantskog centra na području Općine Velika Kladuša.

Štabu civilne zaštite, kao i kabinetu Općinskog načelnika dostavljen je Zaključak Općinskog vijeća Velika Kladuša, broj: 01-05-230/18 („Službeni glasnik Općine Velika Kladuša“, broj:5/18), usvojen na sjednici 19. juna 2018. godine, kojim su vijećnici donijeli jednoglasnu Odluku da je Općinsko vijeće **PROTIV smještaja migranata na području Općine Velika Kladuša, te smatra da se taj problem mora riješiti uz ravnomjernu raspodjelu migranata na ostale Općine u BiH.** Predmetnim Zaključkom, Vijeće je zatražilo od nadležnih institucija BiH da u proces rješavanja migrantske krize obvezno budu uključeni predstavnici lokalne vlasti.

Tako usvojen Zaključak odmah je dostavljen svim nadležnim institucijama, pa i Premijeru Unsko-sanskog kantona. Do danas, ni jedna od nadležnih institucija nije kontaktirala predstavnike vlasti Općine Velika Kladuša, niti ih je na bilo koji način uključila u razgovore oko rješavanje ovog gorućeg problema.

Vlasti u Općini Velika Kladuša su prvi upozorili na problem migranata početkom februara tekuće godine, te smo zatražili od nadležnih HITNO reagiranje. Sasvim je očigledno da do danas nadležne institucije nemaju rješenje, ali da ih to ne sprječava da u potpunosti negiraju i ignoriraju predstavnike vlasti u Velikoj Kladuši, a samim tim i građane ove Općine.

Prema saznanju iz medija, otvaranje prihvatnog centra za migrante u Velikoj Kladuši protivno je Zaključku Općinskog vijeća, te je ovim činom povrijeđeno pravo na lokalnu samoupravu od strane državnih institucija.

Općina Velika Kladuša poziva nadležne da poštuju Ustav i zakone Bosne i Hercegovine, kao i odluke koje donosi predstavnički organ vlasti.



Na osnovu člana 32. i člana 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72. stav 1. i člana 81. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na tematskoj sjednici, održanoj 19.06.2018. godine, donijelo je

ZAKLJUČAK

I

1. Općinsko vijeće Velika Kladuša izražava zabrinutost zbog novonastale situacije u vezi migrantske krize u našoj općini i ozbiljnog ugrožavanja građana i njihove imovine.

2. Općinsko vijeće Velika Kladuša je protiv smještaja migranata na lokaciji Općine Velika Kladuša, te smatra da se taj problem mora riješiti uz ravnomjernu raspodjelu migranata na ostale Općine u BiH.

3. Općinsko vijeće Velika Kladuša traži od nadležnih institucija BiH da u proces rješavanja migrantske krize na području Općine Velika Kladuša obavezno budu uključeni i predstavnici lokalne vlasti.

4. Traži se detaljna informacija od Ministarstva sigurnosti BiH, na temelju čega se došlo do odluke da je Velika Kladuša lokacija za smještaj migranata, traženu informaciju dostaviti u što kraćem roku.

5. Traži se od Ministarstva sigurnosti BiH plan zbrinjavanja migranata sa detaljnim rokovima, kao i obavezama svih učesnika u tom procesu uključujući i lokalnu zajednicu.

6. Traži se od Ministarstva unutrašnjih poslova USK da pojačaju aktivnosti u cilju obezbjeđenja sigurnosti građana na Općini Velika Kladuša.

7. Traži se od Ministarstva sigurnosti BiH i Ministarstva za ljudska prava i izbjeglice BiH da se informacije u vezi ove problematike dostavljaju na adresu Općinskog načelnika Općine Velika Kladuša i predsjedavajućeg Općinskog vijeća Općine Velika Kladuša.

II

Ovaj Zaključak stupa na snagu danom donošenja a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Fikret Bašić, prof.

Broj: 01-05-230/18
Velika Kladuša, 19.06.2018. godine

Na osnovu člana 95. stav 3. Zakona o državnoj službi Unsko-sanskog kantona („Službeni

glasnik Unsko-sanskog kantona“, broj: 14/17), člana 43. stav 1. Uredbe o načelima za utvrđivanje unutrašnje organizacije organa državne službe u Unsko-sanskom kantonu („Službeni glasnik Unsko-sanskog kantona“, broj: 7/12) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), Općinski načelnik Općine Velika Kladuša, donosi:

PRAVILNIK

o izmjenama Pravilnika o unutrašnjoj organizaciji
Jedinstvenog općinskog organa uprave
Općine Velika Kladuša

Član 1.

U Pravilniku o unutrašnjoj organizaciji Jedinstvenog općinskog organa uprave Općine Velika Kladuša („Službeni glasnik Općine Velika Kladuša“, broj: 4/14, 8/14, 4/15, 12a/15, 4/16, 6/16, 7/16, 8/16 i 6/17), u članu 25. tačka 6. mijenja se i glasi:

„6. Vatrogasac – vozač – operativac

a) Opis poslova:

- 1) Učestvuje u intervencijama vatrogasne jedinice, vrši gašenje požara, tehničke i druge intervencije, pružanje pomoći i evakuaciju ugroženih ljudi i materijalnih dobara prirodnim i drugim nesrećama,
- 2) Obavlja dežurnu službu u objektu Vatrogasne jedinice,
- 3) Održava vatrogasne aparate u urednom stanju,
- 4) Stara se da vatrogasna vozila budu blagovremeno snabdjevena sredstvima za gašenje požara, nakon intervencije vatrogasna vozila nadopunjuje sredstvima za gašenje,
- 5) Upravlja vatrogasnim motornim vozilima u drumskom saobraćaju,
- 6) Stara se o čistoći vozila i ispravnosti sredstava opreme Vatrogasne jedinice,
- 7) Podnosi pismene izvještaje o svom radu komandiru Vatrogasne jedinice,
- 8) Kroz redovnu stručno-praktičnu i teoretsku nastavu stručno se osposobljava,
- 9) Obavlja i druge poslove iz nadležnosti radnog mjesta u skladu sa zakonom, po nalogu komandira Vatrogasne jedinice,
- 10) Za svoj rad neposredno odgovara komandiru Vatrogasne jedinice i šefu Službe civilne zaštite.

b) Uslovi vršenje poslova:

- 1) III stepen SSS društvenog ili tehničkog smjera, položen stručni ispit za profesionalnog vatrogasca, šest mjeseci radnog iskustva i vozački ispit „C“ kategorije
- c) Vrsta djelatnosti: dopunski poslovi osnovne djelatnosti
- d) Grupa poslova: stručno-operativni poslovi
- e) Složenost poslova: jednostavni